



**O'ZBEKISTON RESPUBLIKASI
SURXONDARYO VILOYATI HOKIMINING
QARORI**

Termiz shahri, At-Termiziy ko'chasi 1-uy. 190100, tel.: (+99876) 224-00-15, surxon@exat.uz, gov@sdv.uz

2021 -yil "26 " mart

K-220 -son

Termiz sh.

Денов туманидаги “Ўзбекистон” СИУ худудидан “AGRO JAS FRUIT” оилавий корхонасига енгил конструкцияли “Иссиқхона” қуриш учун ер майдони ажратиш тўғрисида

Ўзбекистон Республикаси Ер кодексининг 5-моддасига ва Ўзбекистон Республикаси Президентининг “Ўзбекистон Республикаси боғдорчилик ва иссиқхона хўжалигини янада ривожлантириш чора-тадбирлари тўғрисида” 2019 йил 20 марта 4246-сон қарорига асосан, вилоят ҳокимлиги ҳузуридаги ер участкалари бериш (реализация қилиш) масалаларини кўриб чиқувчи комиссиянинг 2021 йил 12 февралдаги 05-02/89-сон йиғилиш баёни, Денов туман ҳокимининг 2020 йил 18 декабрдаги 01-36/1171-сон хатини инобатга олиб,

ҚАРОР ҚИЛАМАН:

1. Денов туманидаги “Ўзбекистон” СИУ худудидан “AGRO JAS FRUIT” оилавий корхонасига туман ҳокимлиги захира ер фондидан қишлоқ хўжалик харитасининг 38қ, 39қ ва 290қ-дала контурларидаги тупроқ унумдорлиги 48,0 ва 54,0 балл бонитетли жами 4,7 гектар сўғориладиган экин ер майдони, шундан 1,0 гектарига енгил конструкцияли “Иссиқхона” қурилиши учун ва 3,7 гектарига боғ ва узумзор ташкил этиш учун (49 йил) муддатга ижара хукуқи билан ажратилсин.

2. “AGRO JAS FRUIT” оилавий корхонаси раҳбари О.Олимовга: иссиқхона учун ажратиб берилаётган ер майдонидан факат иссиқхона қуриш учун фойдаланиши;

етиштирган маҳсулотларни экспорт қилиши;

мақсадсиз фойдаланилганда ёки бир йил мобайнида фойдаланилмаганида ажратиб берилган ер майдони туман ҳокимлиги захирасига қайтариб олиниши кўрсатиб ўтилсин.

3. Ўзбекистон Республикаси Давлат солиқ қўмитаси ҳузуридаги Кадастр агентлиги Сурхондарё вилоят бошқармаси (М.Абдурахманов)га ажратиб берилган ер майдонидан самарали ва мақсадли фойдаланилишини доимий назорат қилиб бориш ҳамда ер ҳисоботига тегишли ўзгартириш киритиш юклатилсин.

4. Ўзбекистон Республикаси Давлат солиқ қўмитаси ҳузуридаги Кадастр палатаси Сурхондарё вилоят бошқармаси (С.Шаймарданов) ер чегараларини жойида (натурада) белгилашни амалга оширсин ҳамда ер участкасига бўлган ҳуқуқни давлат рўйхатидан ўтказилишини таъминласин.

5. Вилоят қурилиш бош бошқармаси (К.Эшматов) қонунчиликда белгиланган тартибда қурилиш ишларини лойиҳа-смета хужжатларига мувофиқлигини мониторинг қилиб борсин.

6. Мазкур қарор бир кун муддатда вилоят ҳокимлигининг расмий веб-сайтида (surxondaryo.uz) эълон қилинсин.

7. Ушбу қарорнинг бажарилишини назорат қилиш вилоят ҳокимининг ўринbosарлари У.Туралов ва А.Орипов зиммасига юклансин.

Вилоят ҳокими



Т.Боболов